

## Introductio

### Dominica

Pater noster. Ave, Maria et Credo.

Deinde clara voce ter dicitur :

Ÿ. Dómine, lábia mea apéries

℞. Et os meum annuntiábit laudem tuam

### Mox sequitur Psalmus 3

**D**ómine, quid multiplicáti sunt qui tríbulant me ? \* Multi insúrgunt advérsus me ; Multi dicunt ánimæ meæ : \* Non est salus ipsi in Deo ejus. Tu autem Dómine, suscéptor meus es, \* glória mea, et exáltans caput meum. Voce mea ad Dóminum clamávi ; \* et exaudívit me de monte sancto suo. Ego dormívi, et soporátus

sum ; \* et exsurréxi, quia Dóminus suscepit me.

Non timébo míllia pópuli circumdántis me. \* Exsúrge, Dómine ; salvum me fac, Deus meus.


Quóniam tu percussísti omnes adversántes mihi sine causa ; \* dentes peccatórum contrivísti.

Dómini est salus ; \* et super pópulum tuum benedíctio tua.

Glória.

### Invitatorium

IV\* c



**D** O- mi-num, qui ventú-rus est, cu-jus virga fló-  
ru- it de rá-di-ce Jes- se, \* Ve- ní-te, ad- o-ré- mus.

Repetitur: Dóminum.


### Psalmus 94

IV\* c



**V** E-ní-te, exsultémus Dómino, jubi-lémus De- o sa- lu-

## Introductio



tá-ri nostro : præ-occupémus fáci- em e-jus in con-fessi- óne




et in psalmis ju-bilémus e- i.

**Dóminum.**



Quó- ni- am De-us magnus Dó-minus, et Rex magnus su-per om-



nes de- os : quóni- am non re-pél-let Dómi-nus plebem su- am : qui-




qui- a in manu e- jus sunt omnes fin-es terræ, et al-ti-tú-dines món-



ti- um ip- se cónspi- cit.

**\* Veníte adorémus.**




Quó- ni- am ipsí- us est mare et i-ps fe-cit illud, et á-ri-dam fun-


## Introductio




davé-runt manus e-jus. Vení-te, ado-rémus et pro-cidámus an-te



De-um, plo-rémus co-ram Dómino qui fecit nos qui- a ipse est Dó-



mi-nus De- us noster, nos autem pópu-lus e-jus et oves páscu-æ




e- jus.


**Dóminum.**



Hó-di- e si vocem e-jus au-di- é-ri-tis : « No-lí-te ob-durá-re cor-



da vestra, sic-ut in ex- acer-ba-ti-ó-ne secúndum di- em tenta-ti-



ó-nis in desérto, u-bi tentavé-runt me patres vestri, probavé-runt

## Introductio



et vidé-runt ó-pe-ra me- a.

\* Veníte adorémus.




Quadra-gínta annis próximus fu- i gene-ra-ti- ó-ni hu- ic, et di-



xi : semper hi errant corde. Ip-si ve-ro non cognovérunt vi- as




me- as quibus jurá vi in i-ra me- a : Si intro- íbunt in réqui- em



me- am. »

**Dóminum.**




Gló- ri- a Patri, et Fí-li- o, et Spi-rí-tu- i Sancto. Sic-ut e-rat in



prin- cípi- o, et nunc et semper, et in sǎcula sǎcu-ló- rum. A-

## Introductio




men.


\* Venite, adorémus.

*Cantores: Dominum, qui ventúrus est, cujus virga flóruit de rádice Jesse\**


*Chorus: veníte, adorémus.*

## Hymnus

**D**  
**V**   
Erbum supérnum pród-i- ens ; A Patre o-lim éx- i- ens,




Qui na-tus orbi súbvenis Cursu declí-vi témpo-ris :

**I**   
L-lú-mi- na nunc péc- to-ra Tu-óque amó-re concréma,



Audí- to ut præ-có-ni- o Sint pulsa tan- dem lúbri-ca.

**J**   
Udéxque cum post áde-ris Rimá- ri facta péctoris, red

## Introductio



dens vi-cem pro ábdi- tis, Ju-stísque regnum pro bonis.

**N**




On demum arctémur malis Pro qua-li-tá-te crími-nis ;



Sed cum be-á- tis cómpo- tes Simus perénnes cáeli-bes.

**L**



Aus, honor, virtus, gló-ri- a De-o Patri et Fí-li- o



Sancto simul Pa-rácli- to In sæculó-rum sæcu-la. A- men.

IN PRIMO NOCTURNO

1 Ant  
I g

V Eni- et ec- ce Rex excél-sus \* cum pot-está-te magna,  
ad sal-ván-das gentes, alle- lú-ia. E u o u a e

Psalmus 20.

**D**ómine, in virtúte tua lætábitur rex, \* et super salutáre tuum exsultábit *veheménter*.

**2** Desidérium cordis ejus tribuísti ei, \* et voluntáte labiórum ejus non fraudásti eum.

**3** Quóniam prævenísti eum in benedictiónibus dulcédinis ; \* posuísti in cápite ejus corónam de lápide *pretiósó*.

**4** Vitam pétiit a te, \* et tribuísti ei longítudinem diérum, in sáeculum, et in sáeculum sáeculi.

**5** Magna est glória ejus in salutári tuo ; \* glóriam et magnum decórem impónes *super* eum.

**6** Quóniam dabis eum in benedictiónem in sáeculum sáeculi ; \* lætificábis eum in gáudio cum *vultu tuo*.

**7** Quóniam rex **sperat** in **Dómino**, \* et in misericórdia Altíssimi non *commovébitur*.

**8** Inveniátur manus tua ómnibus inimícis tuis ; \* dextera tua invéniat omnes qui *te odérunt*.

**9** Pones eos ut clíbanum ignis in témpore vultus tui :† Dóminus in ira sua conturbábit eos, \* et devorábit *eos ignis*.

**10** Fructum eórum de terra **perdes**, \* et semen eórum a *filiis hóminum*,

**11** Quóniam declinavérunt in te **mala** ; \* cogitavérunt consília quæ non potuérunt *stabilíre*.

**12** Quóniam pones eos **dorsum** ; \* in reliquiis tuis præparábis *vultum eórum*.

**13** Exaltáre, Dómine, in virtúte tua ; \* cantábis et psallémus *virtútes tuas*.

Psalmus 21

**D**eus, Deus meus, réspice in me :† quare me dereliquísti ? \* longe a salute mea verba delictórum *meórum*.

**2** Deus meus, clamábo per diem, et **non exáudies** ; \* et nocte, et non ad insipiéntiam **mihi**.

**3** Tu autem in **sancto hábitas**, \* *laus Israël*.

**4** In te speravérunt **patres nostri** ; \* speravérunt, et **liberásti** eos.

**5** Ad te clamavérunt, et **salvi facti** sunt ; \* in te speravérunt, et non *sunt confúsi*.

**6** Ego autem sum vermis, et non **homo** ; \* oppróbrium hóminum, et abjéctio **plebis**.

**7** Omnes vidéntes me **derisérunt** me ; \* locúti sunt lábiis, et *movérunt caput*.

**8** Sperávit in Dómino, erípiat eum : \* salvum fáciat eum, quóniam *vult* eum.

**9** Quóniam tu es qui extraxísti **me de ventre**, \* spes mea ab ubéribus *matris meæ*.

**10** In te proyéctus sum ex útero ; † de ventre matris meæ Deus **meus es tu** : \* ne discésseris a me,

**11** Quóniam tribulátio **próxima** est, \* quóniam non *est qui ádjuvet*.

**12** Circumdedérunt me **vítuli multi** ; \* tauri pingues *obsedérunt* me.

**13** Aperuérunt super **me os suum**, \* sicut leo rápiens et **rúgiens**.

**14** Sicut aqua effúsus sum, \* et dispérsa sunt ómnia *ossa mea* :

**15** Factum est cor meum tamquam **cera liquéscens** \* in médio *ventris mei*.

**16** Áruit tamquam testa virtus mea, † et lingua mea adhésit

**fáucibus meis** : \* et in púlverem mortis *deduxísti* me.

**17** Quóniam circumdedérunt me **canes multi** ; \* concílium malignántium *obsédit* me.

**18** Foderunt manus meas et **pedes meos** ; \* dinumeravérunt ómnia *ossa mea*.

**19** Ipsi vero consideravérunt et inspexérunt me. † Divisérunt sibi **vestiménta mea**, \* et super vestem meam *misérunt sortem*.

**20** Tu autem, Dómine, ne elongáveris **auxílium tuum a me** ; \* ad defensiónem *meam cónspice*.

**21** Érue a frámea, Deus, **ánimam meam**, \* et de manu canis *unicam meam*.

**22** Salva me ex **ore leónis**, \* et a córnibus unicórnium *humilitátem meam*.

**23** Narrábo nomen tuum **frátribus meis** ; \* in médio ecclésiæ *laudábo* te.

**24** Qui timétis Dóminum, **laudáte eum** ; \* univérsum semen Jacob, *glorificáte* eum.

**25** Tímeat eum omne **semen Israël**, \* quóniam non sprevit, neque despéxit *deprecatiónem páuperis*,

**26** Nec avértit **fáciem suam a me** : \* et cum clamárem ad eum, *exaudívit* me.

**27** Apud te laus mea in ecclésia **magna** ; \* vota mea reddam in conspéctu *timéntium eum*.



In primo nocturno

28 Edent páuperes, et saturabún-  
tur, † et laudábunt Dóminum qui  
requírunť eum : \* vivent corda  
eórum in *sæculum sæculi*.

29 Reminiscéntur et converténtur  
ad Dóminum \* univérſi *finēs ter-  
ræ* ;

30 Et adorábunt in conspéctu  
ejus \* univérſæ *famíliae gēn-  
tium* :

31 Quóniam Dómini est re-  
gnum, \* et ipse dominábitur gēn-

tium.

32 Manducavérunt et adoravérunt  
omnes **pingues terræ** ; \* in cons-  
péctu ejus cadent omnes qui des-  
céndunt *in terram*.

33 Et ánima mea **illi vivet** ; \* et  
semen meum *sérviet ipsi*.

34 Annuntiábitur Dómino gene-  
rátio ventúra ; † et annuntiábunt  
cæli justítiam ejus pópulo **qui  
nascétur**, \* quem *fecit Dóminus*.

Véni- et ec- ce Rex excél-sus cum pot-está-te magna,

ad sal-ván-das gentes, alle- lú-ia.

2Ant  
II d

**C** Onfortá- te \* manus disso-lú-tas ; confortá-mi-ni, díci-

te : Ecce De-us no-ster véni- et et salvábit nos, alle-lú- ia.

E u o u a e

Psalmus 22

**D**óminus regit me, et nihil mihi **déerit** : \* in loco páscuæ, ibi me **collocávit**.

**2** Super aquam refectiónis educávit me ; \* ánimam meam **convértit**.

**3** Dedúxit me super sémitas **justí-tiæ** \* propter **nomen suum**.

**4** Nam et si ambulávero in médio umbræ mortis, non timébo **ma-la**, \* quóniam **tu mecum es**.

**5** Virga tua, et báculo **tuus**, \* ipsa me **consoláta sunt**.

**6** Parásti in conspéctu meo **men-sam** \* advérsus eos qui **tríbulant me** ;

**7** Impinguásti in óleo caput **meum** : \* et calix meus inébrians, quam **præclárus est** !

**8** Et misericórdia tua subsequétur me \* ómnibus diébus **vitæ meæ** ;

**9** Et ut inhábitem in domo **Dómini** \* in longitúdinem **diérum**.

Psalmus 23

**D**ómini est terra, et plenitúdo ejus ; \* orbis terrárum, et univérsti qui hábitant **in eo**.

**2** Quia ipse super mária fundávit eum, \* et super flúmina **præparávit eum**.

**3** Quis ascéndet in montem **Dómini** ? \* aut quis stabit in loco **sancto ejus** ?

**4** Innocens mánibus et mundo corde, † qui non accépit in vano ánimam **suam**, \* nec jurávit in dolo **próximo suo** :

**5** Hic accípiet benedictiónem a **Dómino**, \* et misericórdiam a Deo **salutári suo**.

**6** Hæc est generátio quæréntium eum, \* quæréntium **fáciem Dei Jacob**.

**7** Attóllite portas, príncipes, vestras, † et elevámini, portæ **æternáles**, \* et introíbit **rex glóriæ**.

**8** Quis est iste rex glóriæ ? † **Dóminus fortis et potens**, \* **Dóminus potens in prælio**.

**9** Attóllite portas, príncipes, vestras, † et elevámini, portæ **æternáles**, \* et introíbit **rex glóriæ**.

**10** Quis est iste rex **glóriæ** ? \* **Dóminus virtútum ipse est rex glóriæ**.



Confortá- te manus disso-lú-tas ; confortá-mi-ni, díci-

In primo nocturno



te : Ecce De-us no-ster véni- et et salvábit nos, alle-lú- ia.


3Ant  
III a



**G** Audé- te omnes, \* et læ-tá-mi- ni : ecce qui- a véni- et



Dó-mi-nus ul-ti- ó-nis, addúcet re-tri-bu-ti- ónem : ipse vé-ni- et,



et salvá-bit nos. E u o u a e

**Psalmus 24**

**A**d te, Dómine, levávi á-ni-mam **meam** : \* Deus meus, in te confido ; non erubéscam.

**2** Neque irrídeant me inimíci **mei** : \* étenim univér-si qui sústi-nent te, non **confundéntur**.

**3** Confundántur omnes iníqua **agéntes** \* **supervácue**.

**4** Vias tuas, Dómine, **demónstra mihi**, \* et sémitas tuas **édoce** me.

**5** Dírige me in veritáte **tua**, et **doce** me, \* quia tu es Deus salvá-tor meus, et te sustínui **tota die**.

**6** Reminíscere miseratiónum tuárum, **Dómine**, \* et misericordiárum tuárum quæ a **sæculo** sunt.

**7** Delícta **juventútis meæ**, \* et

ignorántias meas, **ne memíneris**.

**8** Secúndum misericórdiam tuam **meménto mei** tu, \* propter bonitátem **tua**, **Dómine**.

**9** Dulcis et **rectus Dóminus** ; \* propter hoc legem dabit delin-quéntibus in **via**.

**10** Díriget mansuétos in **judício** ; \* docébit mites **vias suas**.

**11** Univérsæ viæ Dómini, mise-ricórdia et **véritas**, \* re-quiréntibus testaméntum ejus et testimónia ejus.

**12** Propter nomen tuum, Dómine, propitiáberis peccáto **meo** ; \* **multum** est enim.

**13** Quis est homo qui **timet Dó-minum** ? \* legem státuit ei in **via**

quam elégit.

**14** Anima ejus in bonis **demorá-**bitur, \* et semen ejus hæreditábit **terram.**

**15** Firmaméntum est Dóminus **timéntibus eum**; \* et testaméntum ipsíus ut **manifestétur illis.**

**16** Oculi mei **semper ad Dómi-**num, \* quóniam ipse evéllit de láqueo **pedes meos.**

**17** Réspice in me, et **miserére mei,** \* quia **únicus et pauper sum ego.**

**18** Tribulatiónes cordis mei **multi-**plicátæ sunt: \* de necessitati-  
bus meis **érue me.**

**19** Vide humilitátem meam et **labó-**rem **meum,** \* et **dimítte uni-**vérsa **delicta mea.**

**20** Réspice inimícos meos, quóniam **multi-**plicáti sunt, \* et odio **iníquo odérunt me.**

**21** Custódi ánimam meam, et **érue me**: \* non **erubéscam,** quóniam **sperávi in te.**

**22** Innocéntes et recti **adhæsérunt mihi,** \* quia **sustínui te.**

**23** Líbera, **Deus, Israël** \* ex ómnibus tribulatiónebus **suis.**

**Psalmus 25**

**J**údica me, Dómine, quóniam **ego in innocéntia mea ingrés-**

**sus sum,** \* et in Dómino sperans non **infirmábor.**

**2** Proba me, Dómine, et **tenta me**; \* ure **renes meos et cor meum.**

**3** Quóniam misericórdia tua ante **óculos meos est,** \* et **complácu** in **veritáte tua.**

**4** Non sedi cum concílio **vanitá-**tis, \* et cum **iníqua geréntibus non introíbo.**

**5** Odívi ecclésiám **malignán-**tium, \*et cum **ímpiiis non sedébo.**

**6** Lavábo inter innocéntes **manus meas,** \*et **circúmdabo altáre tuum, Dómine**:

**7** Ut **áudiam vocem laudis,** \*et **enárrem univér**sa **mirabília tua.**

**8** Dómine, diléxi decórem **domus tuæ,** \*et locum habitatiónis **glóriæ tuæ.**

**9** Ne perdas cum **ímpiiis, Deus, ánimam meam,** \* et cum **viris sánguinum vitam meam**:

**10** In quorum **mánibus iniquitá-**tes sunt; \***déxtera eórum repléta est munéribus.**

**11** Ego autem in innocéntia **mea ingrédus sum**; \***redime me,** et **miserére mei.**

**12** Pes meus stetit **in dirécto**; \*in ecclésiis **benedícam te, Dómine.**


In primo nocturno



Gaudé- te omnes, \* et læ-tá-mi- ni : ecce qui- a véni- et



Dó-mi-nus ul-ti- ó-nis, addúcet re-tri-bu-ti- ónem : ipse vé-ni- et,



et salvá-bit nos.

Ÿ. Ex Sion species decóris ejus.

℞. Deus manifeste véniet.

Pater noster *secreto usque ad*

Ÿ. Et ne nos indúcas in tentatiónem.

℞. Sed líbera nos a malo.

*Absolutio.*

**E**xáudi, Dómine Jesu Christe, preces servórum tuórum, † et miseré-  
re nobis: \* Qui cum Patre et Spíritu Sancto vivis et regnas in sá-  
cula sæculórum.

℞. Amen.

*Lector:*

Jube, Dómnne, benedícere.

*Præsidium chori:*

Benedictióne perpétua \* benedícat nos Pater ætérmus.

℞. Amen.

Incipit liber Isaíæ Prophéta.

*Lectio I*

*Cap. 1, 1-11*

**V**ísio Isaíæ, filii Amos, quam vidit super Judam et Jerúsalem, in  
diébus Ozíæ, Jóathan, Achaz, et Ezechíæ, regum Juda. Audite,  
cæli, et áuribus pécipe, terra, quóniam Dóminus locútus est. Fílios  
enutrívi, et exaltávi; ipsi autem spreverunt me. Cognóvit bos

In primo nocturno

possessórem suum, et ásinus præsepe dómini sui ; Ísraël autem me non cognóvit, et pópulus meus non intelléxit.

**T**u autem Dómine, miserére nobis.  
R̃. Deo grátias.

Ÿ.1. Ps 48, 3 Ÿ.2. Ps 79, 2 Ÿ.3 Ps 23,7

R̃. VII

**A** Spí- ci- ens a lon- ge, ecce ví- de- o


De- i pot- én- ti- am ve- ni- én- tem, et né-

bu- lam to- tam ter- ram te- gén- tem. \* I- te

ób- vi- am e- i et dí- ci- te : \*\* Núnti- a no- bis,

si tu es ip- se \*\*\* Qui regna- tú- rus es in

pópu- lo Is- ra- el. Ÿ. Qui- que ter- rí- ge- næ et fĩ-



In primo nocturno




li- i hómi- num, si- mul in unum di- ves et pau-




per, \* I- te Ƿ. Qui re- gis Is-ra- el, in-ténde, qui de-




dú- cis vel-ut ovem Jo- seph, qui se- des su- per Che-




ru- bim. \*\* Núnti- a. Ƿ. Tól- li- te portas, príncipes, vestras,



et e-le- vámi-ni, portæ æ-terná- les, et intro- í-



bit \*\*\* Qui regna- tú- rus. Ƿ. Gló- ri- a Pa- tri, et Fí-li-



o, et Spi- rí- tu- i Sanc- to. Ƿ. Aspí- ci- ens.

**Lector:**

Jube, Dómnne, benedícere.

**Præsidium chori:**

Unigénitus Dei Fílius \* nos benedícere et adjuváre dignétur.

**Ƿ.** Amen.

In primo nocturno

Lectio II

**V**æ genti peccatrici, pópulo gravi iniquitate, sémini nequam, filiis scelerátis ! dereliquérunt Dóminum ; blasphemavérunt Sanctum Ísraël ; abalienáti sunt retrórsum. Super quo percútiam vos ultra, ad-déntes prævaricatiónem ? omne caput lánguidum, et omne cor mœrens. A planta pedis usque ad vérticem, non est in eo sánitas ; vul-nus, et livor, et plaga tumens, non est circumligáta, nec curáta medi-cámine, neque fota óleo.

Dan 7,13.14

R: VI

**A** Spi-ci- é-bam in vi- su noc- tis, et ec-

ce in nú-bi- bus cæ- li Fí-li- um hó- mi-nis ve- nit.

\* Et da- tum est e- i re- gnum, et ho- nor ; et

omnes pó- puli, tri- bus et lin- guæ sér- vi- ent e-

i. V̇. Ec- ce Do- mi- nator Dómi- nus, cum vir- tú- te vé-

ni- et. \* Et da- tum.



In primo nocturno

Lector:

Jube, Dómnne, benedícere.

Præsidium chori:

Spíritus Sancti grátia \* illúminet sensus et corda nostra.


℞ Amen.

Lectio III

**T**erra vestra desérta ; civitátes vestræ succénsæ igni : regiónem vestram coram vobis aliéni dévorant, et desolábitur sicut in vastitáte hostíli. Et derelinquétur filia Sion ut umbráculum in vénea, et sicut tugúrium in cucumeráριο, et sicut cívitas quæ vastátur. Nisi Dóminus exercítuum reliquísset nobis semen, quasi Sodóma fuissémus, et quasi Gomórrha símiles essémus.


Lc 1,26-27.30.32

℞ VII




**M**issus est Gábri- el An- ge- lus ad Ma-rí- am Vír-  
gi- nem desponsá- tam Jo- seph, nún-ti- ans e- i ver-  
bum ; et expa- véscit Virgo de lú- mi-ne. Ne tí-  
me- as, Ma- rí- a, invení-sti grá-ti- am a-pud Dó- mi- num ;  
\* Ecce concí- pi- es et pá- ri- es, et vo-cá- bi- tur

In primo nocturno



Altís- si- mi Fí-li- us. V. A- ve, Ma- rí- a, grá- ti- a



ple- na ; Dó- mi- nus te- cum. \* Ecce.

**Lector:**

Jube, Dómnne, benedícere.

**Præsidium chori:**

In unitáte Sancti Spíritus \* benedícat nos Pater et Fílius.


R. Amen.

**Lectio IV**


Audíte verbum Dómini, príncipes Sodomórum ; percípíte áuribus legem Dei nostri, pópulus Gomórrhæ. Quo mihi multitudinem victimárum vestrárum ? dicit Dóminus. Plenus sum : holocáusta arietum, et ádipem pínguium, et sánguinem vitulórum et agnórum et hircórum, nólui.

V. Lc 1,28

R. IV



**S** U-sci-pe verbum, Virgo Ma- rí- a, quod ti- bi a




Dó- mi- no per ánge- lum trans- mís-sum est : concí-pi-



es per au- rem, De- um pá- ri- es et hó- mi- nem, \*Ut be- ne-


In primo nocturno



dícta di-cá- ris inter om- nes mu- lí- e- res. V. A-



ve, Ma-rí- a, grá- ti- a ple- na: Dó- minus te- cum.



\* Ut be- ne-dícta. V. Gló-ri- a Pa- tri, et Fí- li- o, et Spi-




rí- tu- i Sanc- to. \* Ut be- ne-díc- ta.

IN SECUNDO NOCTURNO


4Ant  
IV E



**G** Aude et læ- tá-re, \* fí- li- a Je- ru- sá- lem : ecce Rex tuus



véni- et ti- bi. Si- on, noli timé- re, qui- a ci- to véni- et salus



tu- a. E u o u a e.

Psalmus 26

**D**óminus illuminatio mea et  
salus mea : \* quem timé-

bo ?

2 Dóminus protéctor vitæ  
meæ : \* a quo trepidábo ?

**3** Dum appropiant super *me nocentes* \* ut edant carnes meas,

**4** Qui tribulant me inimici mei, \* ipsi infirmati sunt et ceciderunt.

**5** Si consistant adversum me castra, \* non timebit cor meum ;

**6** Si exurgat adversum me praelium, \* in hoc ego sperabo.

**7** Unam petii a Domino, hanc requiram, \* ut inhabitem in domo Domini omnibus diebus vite meae ;

**8** Ut videam voluptatem Domini, \* et visitem templum ejus.

**9** Quoniam abscondit me in tabernaculo suo ; \* in die malorum protexit me in abscondito tabernaculi sui.

**10** In petra exaltavit me, \* et nunc exaltavit caput meum super inimicos meos.

**11** Circuivi, et immolavi in tabernaculo ejus hostiam vociferationis ; \* cantabo, et psalmum dicam Domino.

**12** Exaudi, Domine, vocem meam, qua clamavi ad te ; \* miserere mei, et exaudi me.

**13** Tibi dixit cor meum : Exquisivit te facies mea ; \* faciem tuam, Domine, requiram.

**14** Ne avertas faciem tuam a me ; \* ne declines in ira a servo tuo.

**15** Adjutor meus esto ; \* ne derelinquas me, neque despicias me, Deus salutaris meus.

**16** Quoniam pater meus et mater

mea dereliquerunt me ; \* Dominus autem assumpsit me.

**17** Legem pone mihi, Domine, in via tua, \* et dirige me in semitam rectam, propter inimicos meos.

**18** Ne tradideris me in animas tribulantium me, † quoniam insurrexerunt in me testes iniqui, \* et mentita est iniquitas sibi.

**19** Credo videre bona Domini \* in terra viventium.

**20** Expecta Dominum, viriliter age : \* et confortetur cor tuum, et sustine Dominum.

### Psalmus 27

**A**d te, Domine, clamabo ; Deus meus, ne sileas a me † : nequando taceas a me, \* et assimilabor descendentibus in lacum.

**2** Exaudi, Domine, vocem deprecationis meae dum oro ad te ; \* dum extollo manus meas ad templum sanctum tuum.

**3** Ne simul trahas me cum peccatoribus, \* et cum operantibus iniquitatem ne perdas me ;

**4** Qui loquuntur pacem cum proximo suo, \* mala autem in cordibus eorum.

**5** Da illis secundum opera eorum, \* et secundum nequitiam adinventioinum ipsorum.

**6** Secundum opera manuum eorum tribue illis ; \* redde retributionem eorum ipsis.

**7** Quoniam non intellexerunt opera Domini, † et in opera ma-

In secundo nocturno

num ejus *déstrues illos*, \* et non *ædificábis* eos.

**8** *Benedíctus Dóminus*, \* quóniam exaudivit vocem *deprecati-  
tiónis meæ*.


**9** Dóminus adjútor meus et *pro-  
téc-tor meus*; \* in ipso sperávit cor meum, et *adjútus* sum :

**10** Et reflóruit *caro mea*, \* et ex


voluntáte mea *confitébor* ei.

**11** Dóminus fortitúdo *plebis suæ*, \* et *protéc-tor salvari-  
onum Christi sui* est.


**12** Salvum fac pópulum tuum, Dómine, et *béne-dic hæreditáti tuæ*; \* et rege eos, et extólle illos *usque in ætérnum*.




Gaude et læ-tá-re, \* fĩ-li-a Je-ru-sá-lem : ecce Rex tuus




véni-et ti-bi. Si-on, noli timé-re, qui-a ci-to véni-et salus



tu-a.



**R** Ex no-ster advé-ni-et Christus, quem Jo-ánnes præ-di-cá-



vit Agnum es-se ventúrum. E u o u a e

**Psalmus 28**

**A**fférte Dómino, filii Dei, \* afférte Dómino filios aríe-tum.

**2** Afférte Dómino glóriam et ho-

nórem ;† afférte Dómino glóriam nómini ejus ; \* adoráte Dóminum in átrio **sancto** ejus.

**3** Vox Dómini super aquas ;† Deus **majestátis intónuit** : \* Dó-

minus super **aquas multas**.

**4** Vox Dómini in virtúte ; \* vox Dómini in magnificéntia.

**5** Vox Dómini confringéntis cedros, \* et confrínget Dóminus cedros Líbani :

**6** Et commínuet eas, tamquam vítulum Líbani ; \* et diléctus quemádmodum filius unicór-nium.

**7** Vox Dómini intercidéntis flammam ignis ; † vox Dómini concutiéntis desértum : \* et commovébit Dóminus desértum Cades.

**8** Vox Dómini præparántis cervos : et revelábit condénsa, \* et in templo ejus omnes dicent glóriam.

**9** Dóminus dilúvium inhabitáre facit, \* et sedébit Dóminus rex in ætérnum.

**10** Dóminus virtútem pópulo suo dabit ; \* Dóminus benedícet pópulo suo in pace.

**Psalmus 29**

**E**xaltábo te, Dómine, quóniam suscepísti me, \* nec delectásti inimícos meos super me.

**2** Dómine Deus meus, clamávi ad te, \* et sanásti me.

**3** Dómine, eduxísti ab inférno ánimam meam ; \* salvásti me a descendéntibus in lacum.

**4** Psállite Dómino, sancti ejus ; \* et confitémini memóriæ sanctitátis ejus.

**5** Quóniam ira in indignatióne ejus, \* et vita in voluntáte ejus :

**6** Ad vésperum demorábitur fletus, \* et ad matutínium lætítia.

**7** Ego autem dixi in abundantia mea : \* Non movébor in ætérnum.

**8** Dómine, in voluntáte tua, \* præstitísti decóri meo virtútem .

**9** Avertísti fáciem tuam a me, \* et factus sum conturbátus.

**10** Ad te, Dómine, clamábo, \* et ad Deum meum deprecábor.

**11** Quæ utilitas in sángvine meo, \* dum descéndo in corruptiÓNem ?

**12** Numquid confitébitur tibi pulvis, \* aut annuntiábit veritátem tuam ?

**13** Audívit Dóminus, et misértus est mei ; \* Dóminus factus est adjútor meus.


**14** Convertísti planctum meum in gáudium mihi ; \* conscidísti saccum meum, et circumdedísti me lætítia :

**15** Ut cantet tibi glória mea, et non compúngrar. \* Dómine Deus meus, in ætérnum confitébor tibi.




Rex no-ster advé-ni-et Christus, quem Jo-ánnes præ-di-cá-

In secundo nocturno



vit Agnum es- se ventúrum.


6Ant  
VI f



**E** Ccce vén-i- o ci- to \* et merces me- a mecum est, dicit



Dó-mi-nus : da-re uni-cu- í- que se- cún- dum ó- pera su- a.



E u o u a e

**Psalmus 30**

**I**n te, Dómine, sperávi ; non  
confúndar in ætérnum : \* in  
justítia tua *libera* me.

**2** Inclína ad me *aurem tuam* ; \*  
accélera ut *éruas* me.

**3** Esto mihi in Deum protectó-  
rem, et in domum *refúgii*, \* ut  
*salvum me fácias* :

**4** Quóniam fortitúdo mea et refú-  
gium *meum es* tu ; \* et propter  
nomen tuum dedúces me et *enú-  
tries* me.

**5** Edúces me de láqueo hoc quem  
abscondérunt *mihi*, \* quóniam tu  
es *protéctor meus*.

**6** In manus tuas comméndo spíri-  
*tum meum* ; \* redemísti me, Dó-  
mine Deus *veritátis*.

**7** Odísti observántes *vanitátes* \*  
*supervácue* ;

**8** Ego autem in Dómino  
*sperávi* ; \* Exsultábo, et lætábor  
in *misericórdia tua*,

**9** Quóniam respexísti hu-  
*militátem meam* ; \* salvásti de  
necessitátibus *ánimam meam*.

**10** Nec conclusísti me in mánibus  
*inimíci* : \* statuísti in loco  
spatióso *pedes meos*.

**11** Misérére mei, Dómine, quó-  
niam tríbulo ; † conturbátus est  
in ira *óculus meus*, \* *ánima mea*,  
et *venter meus*.

**12** Quóniam defécit in dolóre vi-  
*ta mea*, \* et anni mei *in gemíti-  
bus*.

**13** Infirmáta est in paupertáte virtus mea, \* et ossa mea conturbáta sunt.

**14** Super omnes inimícos meos factus sum oppróbrium, et vicínis meis valde, \* et timor notis meis ;

**15** Qui vidébant me foras fugérunt a me ; \* obliuóni datus sum, tamquam mórtuus a corde ;

**16** Factus sum tamquam vas pérditum : \* quóniam audívi vituperatióne multórum commorántium in circúitu.

**17** In eo dum convenírent simul advérsus me, \* accípere ánimam meam consiliáti sunt.

**18** Ego autem in te sperávi, Dómine ; † dixi : Deus meus es tu ; \* in mánibus tuis sortes meæ .

**19** Eripe me de manu inimicórum meórum, \* et a persecúentibus me.

**20** Illústra fáciem tuam super servum tuum ; † salvum me fac in misericórdia tua : \* Dómine, non confúndar, quóniam invocávi te.

**21** Erubéscant ímpii, et deducántur in inférnum ; \* muta fiant lábia dolósa.

**22** Quæ loquúntur advérsus justum iniquitátem, \* in supérbia, et in abusióne.

**23** Quam magna multitúdo dulcedinis tuæ, Dómine, \* quam abscondísti timéntibus te ;

**24** Perfecísti eis qui sperant in te, \* in conspéctu filiórum hóminum !

**25** Abscóndes eos in abscondito faciéi tuæ, \* a conturbatióne hóminum ;

**26** Próteges eos in tabernáculo tuo, \* a contradicióne linguárum.

**27** Benedíctus Dóminus, \* quóniam mirificávit misericórdiam suam mihi in civitáte muníta.

**28** Ego autem dixi in excéssu mentis meæ : \* Projéctus sum a fácie oculórum tuórum .

**29** Ideo exaudísti vocem oratiónis meæ, \* dum clamárem ad te.

**30** Dilígite Dóminum, omnes sancti ejus, † quóniam veritátem requíret Dóminus, \* et retribuet abundánter faciéntibus supérbiam.

**31** Viríliter ágite, et confortétur cor vestrum, \* omnes qui sperátis in Dómino.

### Psalmus 31

**B**eáti quorum remíssæ sunt iniquitátes, \* et quorum tecta sunt peccáta.

**2** Beátus vir cui non imputávit Dóminus peccátum, \* nec est in spíritu ejus dolus.

**3** Quóniam tácuí, inveteravérunt ossa mea, \* dum clamárem tota die.

**4** Quóniam die ac nocte graváta est super me manus tua, \*



In secundo nocturno

convérsus sum in ærúmna mea,  
dum confígitur spina.

5 Delíctum meum cógnitum tibi  
feci, \* et injustítiam meam non  
abscóndi.

6 Dixi : Confitébor advérsus me  
injustítiam meam Dómino ; \* et  
tu remisísti impietátem peccáti  
mei.

7 Pro hac orábit ad te omnis  
sanctus \* in témpore opportúno.

8 Verúm tamen in dilúvio  
aquárum multárum, \* ad eum non  
approximábunt.

9 Tu es refúgium meum a tribula-  
tíone quæ circúmdedit me ; \* ex-

sultátio mea, érue me a circum-  
dántibus me.

10 Intelléctum tibi dabo, et ín-  
struam te in via hac qua gradié-  
ris ; \* firmábo super te óculos  
meos.

11 Nolíte fieri sicut equus et mu-  
lus, \* quibus non est intelléctus.

12 In camo et freno maxíllas eó-  
rum constrínges, \* qui non ap-  
próximant ad te.

13 Multa flagélla peccatóris ; \*  
sperántem autem in Dómino  
misericórdia circúmdabit.

14 Lætámini in Dómino, et ex-  
sultáte, justí ; \* et gloriámini,  
omnes recti corde.



Ecce vén-i- o ci- to \* et merces me- a mecum est, dicit



Dó-mi-nus : da-re uni-cu- í- que se- cún- dum ó- pera su- a.

℣. Emítte Agnum, Dómine, Dominatórem terræ.

℞. De petra desérti ad montem filiaë Sion.

Pater noster *secreto usque ad*

℣. Et ne nos indúcas in tentatiónem.

℞. Sed líbera nos a malo.

*Absolutio.*

**I**psíus píetas et misericórdia nos ádjuvet, \* Qui cum Patre et Spíritu  
Sancto vivis et regnas in sácula sæculórum.

℞. Amen.

In secundo nocturno

Lector:

Jube, Dómnne, benedícere.

Præsídium chori:

Deus Pater omnípotens \* sit nobis propítius et clemens.

℞ Amen.

Sermo sancti Leónis Papæ

Sermo XIX; de jejunió decimi mensis VIII, cap. I.

Lectio V

Cum de advéntu regni Dei, et de mundi fine ac témporum, discípu-  
los suos Salvátor instrúeret, totámque Ecclésiam suam in Apóstolis  
erudíret : Cavéte, inquit, ne forte gravéntur corda vestra in crápula,  
et ebrietáte, et cogitatióibus sæculáribus. Quod útique præcéptum, di-  
lectíssimi, ad nos speciálius pertinére cognóscimus, quibus denuntiá-  
tus dies, etiámsi est occúltus, non dubitátur esse vicínus.

Lc 1,28.35 ℣ Ps 23,7


℞ VII

**A** Ve, Ma- rí- a, grá- ti- a ple- na, Dó-  
mi- nus te- cum. Spí- ri- tus Sanctus super- vé- ni-  
et in te, et vir- tus Al- tís-simi ob- um-  
brá- bit ti- bi ; Quod e- nim ex te nascé- tur San-


In secundo nocturno



ctum vo- cá- bi- tur \* Fí- li- us De- i. Ț. Tól- li-



te portas, prín-ci-pes, vestras, et e- le- vámi- ni por-tæ æ- terná-



les, et intro- í- bit \* Fí- li- us.

**Lector:**

Jube, Dómnē, benedícere.

**Præsidium chori:**

Christus perpétuæ \* det nobis gáudia vitæ.

Ț. Amen.

**Lectio VI**

**A**d cuius advéntum omnem hóminem cónvenit præparári : ne quem aut ventri déditum, aut curis sæculáribus invéniat implicátum. Quotidiáno enim, dilectíssimi, experiménto probátur, potus satietáte aciem mentis obtúndi, et cibórum nimietáte vigórem cordis hebetári ; ita ut delectátio edéndi etiam córporum contrária sit salúti, nisi rátio temperántiæ obsístat illécebræ, et quod futúrum est óneri, súbtrahat voluptáti.

**Phil 3,20 Ț 94,2**




**S**

Al-va- tó- rem exspectá- mus

Dó- mi-num

In secundo nocturno



Jesum Chri- stum, \* Qui re- formávit cor- pus hu- mi- li-  
tá- tis no- stræ confi- gu- rá- tum cór- po-ri cla-  
ri- tá- tis su- æ. V. Præ-oc-cu-pé- mus fá-ci- em  
e- jus in confessi- ó- ne, et in psal- mis ju- bi- lé-  
mus e- i. \* Qui.

**Lector:**

Jube, Dómnne, benedícere.

**Præsidium chori:**

Ignem sui amóris \* accéndat Deus in córdibus nostris.

**R.** Amen.


**Lectio VII**

**Q**uamvis enim sine ánima nihil caro desíderet, et inde accípiat sensus, unde sumit et motus : ejúsdem tamen est ánimæ, quædam sibi súbditæ negáre substántiæ, et interióri judício ab inconveniéntibus exterióra frenáre : ut a corpóreis cupiditatibus sáepius líbera, in aula mentis possit divínæ vacáre sapiéntiæ : ubi omni strépitu terrenárum silénte curárum, in meditatióne sanctis, et in delíciis lætétur ætérnis.

In secundo nocturno

Ex 4,13 ¶ Ps 106,3

R̄. V



**O** bsecro, Dó- mi- ne, mit-te quem missú- rus  
es; vi- de af- fli-cti- ó-nem pó- pu-li tu- i ; \* Sic-ut lo-cú-  
tus es, ve- ni et líbe- ra nos. ¶ A so- lis ortu et occá-  
su, ab aqui- ló- ne et ma- ri. \* Sic- ut.

**Lector:**

Jube, Dómnne, benedícere.

**Præsidium chori:**

A cunctis vítiis et peccátiis \* absólvat nos virtus sanctæ Trinitátis.


R̄. Amen.

**Lectio VIII**

**Q**uod si in hac vita difficile est continuári, potest tamen frequénter  
assúmi ; ut sápius ac diútius spiritalibus pótius, quam carnálibus  
occupémur. Et cum melióribus curis majóres impéndimus moras, ad  
incorruptíbilis divítias étiam temporáles tránseunt actiónes.

Is 49,13

R̄. II



**L** Æ-tén-tur cæ- li, et exsúl- tet ter- ra,


In secundo nocturno




ju-bi- lá-te, mon-tes, lau- dem, qui- a Dómi- nus no-ster vé-ni-




et, \* Et páupe-rum su- ó-rum mi- se-ré- bi- tur. ̎ Ec-



ce Domi- ná-tor Dómi- nus, cum vir-tú- te vé- ni- et.



\* Et. ̎ Gló- ri- a Pá-tri, et Fí-li- o, et Spi-rí- tu- i Sanc-



to \* Et

*IN TERTIO NOCTURNO*

Mt 21,9

7Ant


VII d



**G** Abri- el Ange-lus \* locú-tus est Ma- rí- æ, di-cens : Ave,



grá- ti- a plena, Dó- mi-nus te-cum : be- nedícta tu in mu-li- é-ri-



ri- bus. E u o u a e

**Canticum Isaiaë**

*Is. 40, 10-17*

**E**cce Dóminus Deus in  
fortitú-dine véniet, \* et  
brá-chium ejus **dominá**bitur :

**2** Ecce merces ejus cum eo, \* et  
opus illíus **coram illo**.

**3** Sicut pastor gregem suum  
pascet, † in brá-chio suo  
congregábit agnos, et in sinu suo  
levábit ; \* fetas **ipse portá**bit.

**4** Quis mensus est pugillo  
aqua, \* et cælos palmo  
**ponderá**vit ?

**5** Quis appéndit tribus dígitis  
**molem terræ**, \* et liberávit in  
póndere montes, et colles **in**  
statéra ?

**6** Quis adjúvit **spíritum**  
**Dómini** ? \* aut quis consiliárius  
ejus fuit, et **osténdit illi** ?

**7** Cum quo íniit consílium, et  
instrúxit eum, † et dócuit eum  
sémitam **justítiæ**, \* et erudívit  
eum sciéntiam, et viam prudéntiæ  
**osténdit illi** ?

**8** Ecce gentes quasi **stilla sítu**-  
læ, \* et quasi moméntum statéræ  
**reputátæ** sunt ;

**9** Ecce ínsulæ quasi pulvis  
exíguus. † Et Líbanus non  
sufficiet ad **succendéndum**, \* et  
animália ejus non sufficiet ad

**holocáustum**.

**10** Omnes gentes quasi non sint,  
sic sunt **coram eo**, \* et quasi  
níhilum et ináne reputátæ sunt ei.

**Canticum ejusdem**

*Is. 42, 10-16*

**C**antáte Dómino **cánticum**  
**novum**, \* laus ejus ab  
extrémis **terræ**,

**2** Qui descénditis in mare, et  
plenitúdo ejus ; \* ínsulæ, et  
habitatóres eárum.

**3** Sublevétur desértum et  
civitatés ejus. \* In dómibus  
habitábit **Cedar** :

**4** Laudáte, habitatóres **petræ** ; \*  
de vértice móntium **clamábunt**.

**5** Ponent Dómino **glóriam**, \* et  
laudem ejus in ínsulis  
**nuntiábunt**.

**6** Dóminus sicut fortis  
**egrediétur**, \* sicut vir præliátor  
suscitábit **zelum** ;

**7** Vociferábitur, et **clamábit** : \*  
super inimícos suos  
**confortábitur**.

**8** Táciui semper, sílui, **pátiens**  
**fui** : \* sicut partúriens **loquar** ;

**9** Dissipábo, et absorbébo si-  
mul. † Desértos fáciam **montes** et  
**colles**, \* et omne gramen eórum  
exsiccábo ;

**10** Et ponam flúmina in **ínsu-**

las, \* et stagna **arefá**ciam.

**11** Et ducam cæcos in **viam** quam **né**sciunt, \* et in sémitis quas ignoravérunt ambuláre eos **fá**ciam ;

**12** Ponam ténebras coram eis in **lucem**, \* et **prava** in **recta** ;

*Canticum ejusdem*

*Is. 49, 7-13*

**H**æc dicit Dóminus, **R**edémptor Israël, Sanctus ejus, † ad contemptibilem ánimam, ad abominátam **gentem**, \* ad servum **dominórum** :

**2** Reges vidébunt, et consúrgent príncipes, † et adorábunt propter Dóminum, **quia** **fidélis** est, et Sanctum Israel **qui** **elégit** te.

**3** Hæc dicit Dóminus : † In témpore plácito **exaudívi** te, \* et in die salútis auxiliátus sum **tui** :

**4** Et servávi te, et dedi te in **fœdus** **pópuli**, \* ut suscitáres

terram, et possidères hæreditátes **dissipá**tas ;

**5** Ut díceres his qui vincti **sunt** : Exíte, \* et his qui in ténebris : **Revelá**mini.

**6** Super **vias** pascéntur, \* et in ómnibus planis páscua eórum.

**7** Non esúrient neque sítient, † et non percútiet eos æstus **et** sol, \* quia miserátor eórum reget eos, et ad fontes aquárum potábit eos.

**8** Et ponam omnes montes **meos** in **viam**, \* et sémitæ meæ **exaltabú**ntur.


**9** Ecce isti de longe vénient, † et ecce illi ab aquilóne et **mari**, \* et isti de **terra austráli**.

**10** Laudáte, cæli, et exsúlta, terra ; † jubiláte, **montes, laudem**, \* quia consolátus est Dóminus pópulum suum, et páuperum suórum **miseré**bitur.


*Mt 21,9*



Gá-bri- el Ange-lus \* locú-tus est Ma- rí- æ, di-cens : Ave,



grá- ti- a plena, Dó- mi-nus te-cum : be- nedícta tu in mu-li- é-ri-





In tertio nocturno

ri- bus.

Ÿ. Egrediétur Dóminus de loco sancto suo.

℞. Véniet ut salvet pópulum suum.

Absolutio.

**A** vínculis peccatórum nostrórum \* absólvat nos omnípotens et mi-  
séricors Dóminus.

℞. Amen.

Lector:

Jube, Dómne, benedícere.

Præsidium chori:

Evangélica lectio \* sit nobis salus et protéctio.

℞. Amen.

Léctio sancti Evangélii secúndum Lucam.

Lectio IX

Cap. 21.


In illo témpore : Dixit jesus discípulis suis : Erunt signa in sole et luna  
et stellis, et in terris pressúra géntium. Et réliqua.

Homília sancti Gregórii Papæ


Homilia 1 in Evangelia

**D**óminus ac Redémptor noster parátos nos inveníre desíderans, se-  
nescéntem mundum quæ mala sequántur denúntiat, ut nos ab ejus  
amóre compéscat. Appropinquántem ejus términum quantæ percus-  
siones prævéntiant, innotéscit : ut, si Deum metúere in tranquillitáte  
nólumus, saltem vicínium ejus júdicium vel percussiónibus attríti ti-  
meámus.

Is 7,14 9,6 Ÿ Ps 23,7




**E** Cce Vir-go concí-pi- et et pá- ri- et Fí- li- um,



In tertio nocturno

di- cit Dómi- nus ; et vo- cá- bi-tur nomen e-jus ad-



mi- rá- bi- lis, \* De- us, for- tis. ʒ Tól- li- te



portas, prínci-pes, vestras, et e-le-vámi-ni, portæ æ-terná-



les, et intro- í- bit \* De- us.

**Lector:**

Jube, Dómnne, benedícere.

**Præsidium chori:**

Ille nos benedícat \* qui sine fine vivit et regnat.

ʒ Amen.

**Lectio X**

**H**uic étenim lectióni sancti Evangélii, quam modo vestra fratérni-  
tas audívit, paulo supérius Dóminus præmísit, dicens : Exsúrget  
gens contra gentem, et regnum advérsus regnum : et erunt terræmótus  
magni per loca, et pestiléntiæ, et fames. Et quibúsdam interpósitis,  
hoc, quod modo audístis, adjúnxit : Erunt signa in sole, et luna, et stel-  
lis, et in terris pressúra géntium præ confusióne sónitus maris, et flúc-  
tuum. Ex quibus profécto ómnibus alia jam facta cérnimus, alia in  
próximo ventúra formidámus.

**Jer 31,10 ʒ Ps 106,3**

ʒ III **A** Udí- te Verbum Dó-mi- ni, Gentes, et annun-ti-




In tertio nocturno

á- te il- lud in fí-ni- bus ter- ræ,\* Et in ínsu- lis



quæ pro-cul sunt, dí- ci- te : Salvá- tor no- ster ad- véni-



et. ̶. A so- lis ortu et occá- su, ab aqui- ló-



ne et ma- ri. \* Et in ínsu- lis.

**Lector:**

Jube, Dómnne, benedícere.

**Præsidium chori:**


Divínium auxiliúm \* máneat semper nobíscum.

**R̶.** Amen.


**Lectio XI**

**N**am gentem contra gentem exsúrgeré, earúmque pressúram terris insístere, plus jam in nostris tempóribus cernimus, quam in codícibus légimus. Quod terræmótus urbes innúmeras óbruat, ex áliis mundi pártibus scitis quam frequénter audívimus. Pestiléntias sine cessatióne pátimur. Signa vero in sole, et luna, et stellis, adhuc apérte mínime vídimus : sed quia et hæc non longe sint, ex ipsa jam áëris immutatióne collígimus.

**Jer 23,5 ̶. Jer 23,6**




**E** Cce di- es vé- ni- ent, di- cit Dómi- nus, et su-




In tertio nocturno


sci- tá- bo Da-vid ger-men ju- stum, et re- gná- bit rex, et



sá- pi- ens e-rit, et fá- ci- et ju- dí- ci- um et ju-



stí- ti- am in ter- ra ; \* Et hoc est nomen quod vo-



cá- bunt e- um : Dó- mi- nus ju- stus no- ster. V̇. In di- é-



bus il- lis salvá- bi- tur Ju- da et Isra- el habi- tábit



con- fi- dén- ter. \* Et hoc est.

**Lector:**

Jube, Dómnne, benedícere.

**Præsidium chori:**

Ad societátem cívium supernórum \* perdúcat nos Rex Angelórum.

**Ṙ.** Amen.

**Lectio XII**


**C**onfúsió autem maris et flúctuum necdum nova exórta est. Sed cum multa prænuntiáta jam compléta sint, dúbium non est, quin sequántur étiam pauca, quæ restant : quia sequéntium rerum certitúdo est præteritárum exhibítio. Hæc nos, fratres caríssimi, idcírco dícimus, ut ad cautélæ stúdiúm vestræ mentes evígilent, ne securitáte tórpeant,

In tertio nocturno


ne ignorantia languescant : sed semper eas, et timor sollicitet, et in bono opere sollicitudo confirmet.

Joel 3,17-18


R̄. VIII




**A** Li- é- ni non trans-í-bunt per Je- rú- salem




ámpli- us : \* Nam in il-la di- e stil-lá- bunt mon- tes




dulcé- di- nem, et colles flu- ent lac et mel,




di- cit Dómi- nus. Ÿ E-go véni- am, dicit Dómi-



nus, et sa- ná-bo contri- ti- ó-nes pó- pu- li me- i.




\* Nam in illa di- e. Ÿ Gló- ri- a Pa-tri, et Fí-li- o,




et Spi- rí- tu- i Sanc- to. \* Nam in illa di- e.


In tertio nocturno

Te Deum  
Hymnus. III et IV


**T**   
E De- um laudá-mus, \* te Dóminum confi- té- mur.



Te æ-térnum Patrem omnis terra vene- rá- tur. Ti-bi om-




nes Ange- li, ti-bi cæli et uni-vérsæ potestá- tes : Ti-bi




Ché-rubim et Séraphim incessá-bi-li voce proclá- mant: Sanctus,



Sanctus, Sanctus Dómi-nus De-us Sába- oth. Ple-ni sunt cæli et




terra majestá-tis gló-ri- æ tu- æ. Te glori- ósus Apostoló-rum




cho- rus, Te Prophe-tá-rum laudá-bi-lis núme-rus, Te Mártyrum


In tertio nocturno



candidá-tus laudat exérci- tus. Te per orbem terrárum sancta




confi- tétur Ecclé-si- a, Pa- trem imménsæ ma-jestá- tis; Ve-




ne-rándum tu- um ve-rum et ú-nicum Fí- li- um; Sanctum quoque




Pa-rácli-tum Spí-ri- tum. Tu Rex gló- ri- æ, Chri-ste. Tu Patris sem-




pi-tér-nus es Fí-li- us. Tu, ad libe- rándum susceptú-rus hómi-nem:



non horru- í-sti Vír-ginis ú-te-rum. Tu, devícto mortis acú-le- o, a-




pe-ru- ísti credén-tibus regna cæ-ló- rum. Tu ad déx-teram De- i se-




des, in gló- ri- a Pa- tris. Judex créde- ris esse ventú- rus. Te ergo


In tertio nocturno



quæsumus, tu- is fámu-lis súbve- ni, quos pre- ti-ó-so sángui-ne red-




emí- sti. Æ-térna fac cum Sanctis tu- is in gló-ri- a nume-



rá- ri. Salvum fac pópu-lum tu-um, Dómi-ne, et béne- dic



he-re-di-tá- ti tu- æ. Et re-ge e- os, et extól-le illos usque



in ætér- num. Per síngu-los di- es bene- dícimus te. Et laudá-mus



nomen tu-um in sáecu-lum, et in sáe- culum sáecu- li. Digná-re, Dó-




mi-ne, di- e isto sine peccá-to nos custodí- re. Mi-se-rére nostri,



Dómi- ne, mise- rére nostri. Fi- at mi-se-ri-cór-di- a tu- a, Dómi-



In tertio nocturno



mi-ne, su-per nos, quemádmódum sperá- vimus in te. In te, Dó-



mine, spe-rá- vi: non confún-dar in æ-tér- num.

℣. Dóminus vobíscum

℟. Et cum spírítu tuo.

℣. Sequéntia sancti Evangélii secundum Lucam.

℣. Glória tibi, Dómine.

Cap. 21, 25-33

**I**n illo témpore : Dixit Jesus discípu- lis suis : Et erunt signa in sole, *et luna*, et **stellis**, † et in terris pressúra géntium præ confusióne sóni- tus maris, et **flúctuum** :\* arescéntibus homínibus præ timóre, et ex- spectatióne, quæ supervénient *univérso orbi* : † nam virtútes cælórum move**búntur** :\* et tunc vidébunt Filium hóminis *veniéntem* in **nube** † cum potestáte magna et majestáte. His autem fieri incipiéntibus, res- pícite, et leváte **cápita vestra** : † quóniam appropínquat redémptio ves- tra. Et dixit illis similitúdinem : Vidéte ficúlneam, *et omnes árbores* : † cum producunt jam ex se fructum, scitis quóniam prope est æs- tas. Ita et vos cum vidéritis hęc **fieri**, † scitóte quóniam prope est re- gnum **Dei**. Amen dico vobis, quia non præteríbit *generátio* hęc, † donec ómnia **fiant**. Cælum et terra **transíbunt** : *verba autem mea non transíbunt*.

℟. Amen.

Hymnus




**T**E Decet laus, Te Decet Hymnus, ti-bi gló-ri-a De-

In tertio nocturno



o Pa-tri et Fí-li-o, cum Sancto Spí-ri-tu, in sǣcu-la sǣ-cu-



ló-rum. A-men.

Orémus


**E**xcita, quǣsumus, Dómine, poténtiam tuam, et veni :\*† ut ab imminéntibus peccatórum nostrórum perículis, te mereámur protegénte éripi, te liberánte *salvári* : *Qui vivis et regnas cum Deo Patre in unitáte Spíritus Sancti, Deus, per ómnia sǣcula sǣculórum.*

℟. Amen.

℣. Dóminus vobíscum


℟. Et cum Spíritu tuo.

Cantor :



Bene-di-cámus Dó-mino.

Chorus:



De-o grá-ti-as.

℣. Fidélium ánimæ per misericórdiam Dei requiéscant in pace.

℟. Amen.

## ORDINARIUM OFFICII FERALIS

Tempore Adventus

### AD MATUTINUM

Invitat. A Dom. I usque ad  
Dom. III Adventus. Regum  
venturum Dominum, \* Venite  
adorémus.

Invitat. A Dom III Adv.  
Usque ad 23 Decembr. incus.  
Prope est jam Dominus, \*  
Venite, adoremus.

Ps. 94 Venite, exultémus.  
43

### Hymnus

**V**erbum supérnum prodiens,  
A Patre olim exiens,  
Qui natus orbi subvenis  
Cursu declivi temporis :

Illumina nunc pectora,  
Tuoque amore concrema,  
Audito ut præconio  
Sint pulsa tandem lubrica.

Non demum arctemur malis  
Pro qualitate criminis ;  
Sed cum beatis compotes  
Simus perennes cælibes.

Laus, honor, virtus, gloria

Deo Patri, et Filio,  
Sancto simul Paraclito,  
In sæculorum saecula. Amen.

In off. De Temp. Adventus Doxologia,  
Gloria tibi, Domine, Qui natus es...  
numquam adhibetur.

### IN I NOCTURNO

Anæ, Psalmi et V̄. ut in Psalt.  
Lectiones et R̄. ut infra in  
Proprio de Temp.

### IN II NOCTURNO

Anæ et Psalmi de Psalt.

**S**obrie, et juste, et pie vivamus  
in hoc sæculo, † exspectantes  
beatam spem, et adventum  
gloriæ magni Dei, \* et  
Salvatoris nostris Jesu Christi.

V̄. Veni, Domine, et noli tar-  
dare.

R̄. Relaxa facinora plebi tuæ.

Deinde Kyrie eleison, Pater noster, flexis  
genibus. Quod etiam servatur in aliis  
Horis.

Oratio Dominicæ præcedentis ;

Postea dicitur Dominus vobiscum.  
Benedicamus Domino. Fidelium animæ et  
Pater noster.